

Napredak se ne može trajno zaustaviti



Izgradnja sigurne i prosperitetne Bosne i Hercegovine uključuje i „bitku između optimizma i pesimizma, između napretka i stagnacije, između poštenja i korupcije“, rekao je danas visoki predstavnik Valentin Inzko.

„Kada se lideri predaju pesimizmu i gorčini, kada prihvate *status quo* koji je prožet korupcijom i neuspjehom, tada svaki građanin pati – baš kao što danas pate građani Bosne i Hercegovine“, rekao je visoki predstavnik.

Visoki predstavnik govorio je na ceremoniji organiziranoj na Prokoškom jezeru gdje je obilježena petnaesta godišnjica od pogibije dvanaest međunarodnih zvaničnika koji su stradali u helikopterskoj nesreći.

Visoki predstavnik je rekao da su u proteklih dvadeset godina građani Bosne i Hercegovine pokazali „smjelu i inspirativnu odlučnost da odbace gorčinu i očaj“, i napomenuo da u tom smislu „lideri ove zemlje moraju naučiti od građana koje navodno predvode“.

„Naših dvanaest kolega dalo je svoje živote za uvjerenje da građani Bosne i Hercegovine mogu živjeti u dostojanstvu i miru. Ja dijelim to uvjerenje i vjerujem da ga dijeli i svaki častan građanin ove države“, zaključio je visoki predstavnik.

[Obraćanje visokog predstavnika Valentina Inzka na ceremoniji](#)

obilježavanja petnaeste godišnjice pada helikoptera na Prokoškom jezeru

Galerija slika:

